

PETER LORETAN

30 Jahre Alpenrösli Präsident

Einleitung:

Vo 1963 – 1993 hänt 8 Männer d'Alpuröslispitzu giziert!
Im Durchschnitt chüm 4 Jahr das Amt prestiert!
1993 nimmt dä die Churzamtsziit endlich äs Änd!
Gwählt hätt mu fär 3 Jahrzähnt der niw Alpurösli-Präsident!

Neue Tracht:

Di alti Tracht hätt nimmä ä so guät gipasst!
En Niwi a d'schaffu hätt er ins Öig dä gfasst!
Er ischt wiit gsäcklut fä Inserati, Gäld und vili Spänd'!
Im Jahr 1999 hätt ers dä gschafft, där Alpurösli-Präsident!

Statuten:

Öi d'Statute vo Tracht und Verein nimmt er in d'Händ!
So dass jedä und jedi- Bruch und Ornig kännt!
So hätt er alli im Griff ka: Vo Jodler bis zum Dirigänt!
Ischt dä bi mängum agäggut als Alpurösli-Präsident!

Hompage:

Die ganz Jodlerschicht üfz'arbeitu, da chunt er gäbig ins Schwitzu!
Müäss täglich 10 Stunde und meh vor dum PC sitzu!
Uf schiner Hompage ischt wirklich jedes Detail präsent.
En wahri Meischerleistig vom Alpurösli-Präsident!

Logo:

Ds alt Vereinslogo hätt wirkli nix meh gibrungu!
Mu hätt im Raoul Schnydrig der ideal Künschtler gfindu!
Fär ä sottigi Sachä ischt er es Supertalänt!
Uf s' niw Logo ischt öi er stolz gsii – der Alpurösli-Präsident!

Jodler-Abend:

En Abund mit Gaschtklub, Pominänz und Müsig hätt jedes Jahr miessu sii!
Es Tombola – ds Fleisch vom Hugo und vom Rotji där Wii!
En tolli Bar und en Hallu mit gschmücktu Tischa und Wänd!
Eifach ä so, wie sus er hätt wällu, der Alpurösli-Präsident!

Helfergrillade:

Vili Liit sind bi däm Abund dum Alpurösli hiflrich zer Siitu gschtandu!
Alli hätt er düe speter zer ä Hälfergrilladu fürschtlich empfangu!
Aber uber Jahrzähnti fascht nur eis Fäschtgländ!
Foulon, Foulon, Raspille, Raspille, entscheidut der Alpurösli-Präsident!

Komitee -Sitzungen:

Di sehr längu und präzisu lladigä sind mer giblibu !
Als Aktuar han ich ds Protokoll scho vor där Sitzig gschribu!
Und üsfierlich ischt er giblibu - hätt chüm fär äs zweits Bierli nu glängt!
Nix darf mu vergässu – das, di Dewisu vom Alpurösli-Präsident.

OK:

Gilts ds organisieru äs gressersch Fäscht!
Steit der Poschtu vom OK-Chef scho immär fäscht!
Aber mit dum Züzug vo kompetentu Liit, gratut jedes Evänt!
Aber genau so, wie sus er hätt wällu ha, der Alpurösli-Präsident!

Fotos:

Schini Kamera-Üsrischtig hätt er nie chännu meidu!
Hätt alles fotografiert: D'Hibschu und öi d'Leidu!
Schini Fotosammlig äs Prachtswärc – es wahrs Testamänt!
Da hätt er unzähligi Stunde verbrungu, der Alpurösli-Präsident!

Rhetorik:

Hätt ä mal en Kurs wällu bsüchu: Wie mu äppis chirzer seit!
Jede vo iisch Jodler hätti das vo Härzu gfreit!
Sienta hänt 15 Minüte Pause nimme glängt!
Aber en wiitüsreichundi Rhetorik kehre halt zum Alpurösli-Präsident!

Gastfreundschaft:

Ischt äs Fäscht gsii d'Chippis oder im Badu!
Hätt er alli zu schich heim igladu!
Hätt iisch kulinarisch und promillvoll verwännt!
Wahrlich es tolls Markuzeichu vom Alpurösli-Präsident!

Präsenz:

Oft hei wier zämu gseit:
Was hätt er äch länger a?- Ds Pijama oder ds Jodlerkleid?
Will bi jedum Jodlerfäscht schwizwiit ischt er präsent!
Schich ds präsentieru sig d'Üfgab vom Alpurösli-Präsident!

Jodelgesang:

Da die heikleru Ten sind mu nit immer glungu!
Ds Geni hätt mu ab und züä gseit: Da häscht dä nit alles richtig gsungu!
Aber es ischt nu **nooch** gsii – hätt nu grad glängt!
En gwissi Toleranz müäss er halt ha – der Alpurösli-Präsident!

Alterszeichen:

Bi allu ds Alter nit spurlos voruber geit!
Mu hätt sus gmärkt, dass er zwei- driimal glicha seit!
Wier Jodler hei iisch dra gigwännt!
Bi der neechstu Prob er sus ja nu mal seitder - Alpurösli-Präsident!

Schluss:

Ja, das ischt schi gsii, d'Laudatio – gloibu nit schlächt glungu!
Ziitlich appa knapp umber d'Rundi gibrungu!
Ier wisst scho wälls ich gemeint ha – ha schinä Namu nu gar nie gnännt!
Danku und ehru wälle wier du Peter Loretan, fär 30 Jahr Alpurösli-Präsident!